



Usurbilgo Udala

2023/05/08

**TOKIKO GOBERNU BATZARRAK 2023KO MAIATZAREN 8AN  
GOIZEKO 9:00ETAN EGINDAKO EZOHIKO BILKURAKO AKTA**

**BERTARATUAK:**

**Alkatea:** Agurtzane Solaberrieta Mesa.

**Zinegotziak:** Beñat Larrañaga Urdanpilleta eta Ainhoa Arrozpide Landa.

**Idazkaria:** Garazi Etxeberria San Miguel.

Ez dira bertaratu: Lur Etxeberria Gurrutxaga eta Joxe Mari Iribar Zapirain.

**1.- 2023KO APIRILAREN 25EKO BILKURAKO AKTAREN ONESPENA.**

Batzarkideek 2023ko apirilaren 25eko bilkurako akta aho batez onartu da.

**2.- MAIATZAREN 28KO ZUBIETAKO HERRI BATZARREKO HAUTESKUNDEETAKO MAHAIKIDEEN ZOZKETA.**

2023ko maiatzaren 28an izango diren Zubietako Auzo Batzarrerako hauteskundeetarako mahaikideen zozketa eta izendapena egin da, zehazki lehen eta bigarren mahaikide titularra eta hauekako bakoitzaren bi ordezeko.

**3.- IRUBIDEN, ST USURBIL 132/30 KV-KO TRANSFORMAZIO AZPIESTAZIO ELEKTRIKOA ERABERRITZEKO OBRAK HASTEKO HIRU HILABETEKO LUZAPENA ONARTZEA.**

Esp. Zenbakia: HZ.04/2021-0376

**AURREKARIAK**

Tokiko Gobernu Batzarrak, 2022ko irailaren 27an egindako ohiko bilkuran zera erabaki zuen: I-DE REDES ELECTRICAS INTELIGENTES S.A.U. enpresari, Irubiden, ST USURBIL 132/30 kV-ko transformazio azpiestazioa elektrikoa eraberritzeko obretarako udal baimena ematea.

Interesatuak EIOZ eta tasa (98.737,81 €) ordaindu ditu eta hondakinen kudeaketa bermatzeko 34.007,52 € fidantza jarri du (2022-JBAL-10).

**OBRA BAIMENAREN LUZAPENA**

Orain berriz, I-DE REDES ELECTRICAS INTELIGENTES S.A.U. enpresak, Irubiden, ST USURBIL 132/30 kV-ko transformazio azpiestazioa elektrikoa eraberritzeko obretarako



Usurbilgo Udala

2023/05/08

udal baimenaren luzapena eskatu du.

## TXOSTEN TEKNIKOA

Udal arkitektoak, Joxean Erasan Arancon jaunak, espedientea eta aurkeztutako eskaera aztertu ostean, 2023ko apirilaren 26an ALDEKO txostena eman du. Hitzez hitz honela dio:

**BULEGO TEKNIKOA**  
**Udal Teknikariak Alkate andreari**  
**OBRA HANDIAK**  
**ST USURBIL 132/30 KV-KO TRANSFORMAZIO AZPIESTAZIOKO 132 KV-KO**  
**SISTEMA ERABERRITZEKO OBRA BAIMENAREN LUZAPEN ESKAERARI**  
**TXOSTENA**

---

ESKATZAILEA: I-DE REDES ELECTRICAS INTELIGENTES S.A.U.  
ESKAERA: ST Usurbil 132/30 kV-ko Transformazio Azpiestazioko 132 kV-ko sistema eraberritzeko obra baimenaren luzapena  
ESKAERA DATA: 2023ko martxoaren 24a  
ESPEDIENTE ZENBAKIA: HZ.04/2021-0376  
AURREKONTUA (PEM): 1.973.802,00 euro  
HONDAKINEN KUDEAKETA (PEM): 28.339,60 € FIDANTZA (%120): 34.007,52 €

---

### **AURREKARIAK**

- 2021eko urriaren 10ean, Santiago Mayner Eiguren jaunak, I-DE Redes Eléctricas Inteligentes enpresaren izenean, Usurbilgo azpiestazio elektrikoa berritzeko udal-baimena eskatu zuen.
- 2022ko maiatzaren 11n, interesdunak Eusko Jaurlaritzako Garapen Ekonomiko, Jasangarri eta Ingurumen Sailaren baimena aurkeztu zuen.
- 2022ko maiatzaren 19an, Gipuzkoako Foru Aldundiko Bide Azpiegituretako Departamentuak aldeko txostena igorri zion Usurbilgo Udalari.
- 2022ko abuztuaren 17an, posta elektronikoaren bidez, Santiago Mayner Eiguren jaunak, I-DE Redes Eléctricas Adimendunak ordezkaturik, eskatutako obra-baimenari lotutako hondeaketa-plana aurkeztu zuen.
- 2022ko irailaren 21ean udal arkitektoak aldeko txostena idatzi zuen, besteak beste, honako baldintzak jasotzen zituenak:

*C.1. Teknikari honek, irizpen juridikoak izan ezik, uste du, txosten honetako B atalean aztertutakoaren arabera, bidezkoa dela honako hau ematea:*

- *Usurbilgo ST 132/30 kV-ko Azpiestazio Elektrikoa berritzeko obra lizentzia ematea.*

*C.2. Obrak hasi aurretik, obrari dagokion udal-tasak ordaindu beharko dira.*

*C.3. Obrak hasi aurretik, hondakinen kudeaketari dagokion fidantza ezarri beharko da.*

*C.4. Obrei hasiera ofiziala emateko Zuinketa akta izenpetu beharko da udal aparejadorearekin.*

*C.5. Jarduerari dagokion jarduera baimena lortu beharko da. Horretarako gaur egun dagoen jarduera legezkatu beharko da.*

*C.6. Txosten honen D atalean ezarritako baldintzak kontuan hartu beharko dira.*

*C.7. Garapen Ekonomiko, Jasangarritasun eta Ingurumen Departamentuak emandako ebazpenean ezarritako baldintzak kontuan hartu beharko dira.*

*C.8. Kontuan hartu beharko dira Gipuzkoako Foru Aldundiko Azpiegitura Sailak emandako ebazpenean ezarritako baldintzak.*



Usurbilgo Udala

2023/05/08

*C.9. Lasarte-Oria udalerriko barrutian kokatzen den obra gauzatzeko, Lasarte-Oriako udalari eskatuko zaio baimena.*

*C.10. Jarduketak egin eta ingurumen arloko jarraipena egin ondoren, hondeatutako materialak behar bezala erabili edo kudeatu direla egiaztatzen duen azken txostena aurkeztu beharko zaio ingurumen organoari. Txosten hori erakunde akreditatu batek egingo du, hondeaketa bolumena 100 m3tik gorakoa baita.*

- 2022ko azaroaren 21ean, interesdunak Ingurumenaren Kalitatearen eta Ekonomia Zirkularraren zuzendariaren ebazpena aurkeztu zuen, lurzorua ez kutsatzeko eta kutsatutakoa garbitzeko salbuespena I-DE REDES INTELIGENTES S.A.U. enpresak aurreikusitako eta "132 kV-ko sistema trinkotzeko eraikuntza-proiektuari lotutako indusketa-plana eta Usurbilgo I-DE T-3 transfomadorea ordezkatzeari" izeneko dokumentuan definitutako jarduketari aplikatu dakiokela adierazten duena, eta plan hori gauzatzeko baimena ematen duena.
- 2023ko martxoaren 24an, interesdunak obra baimenaren luzapena eskatu du.

## TXOSTENA

Santiago Mayner Eiguren jaunak, I-DE Redes Eléctricas Inteligentes enpresaren izenean, obrak hasteko epea amaitu baino lehen, Usurbilgo azpiestazio elektrikoa berritzeko udal-baimenaren luzapena eskatu du.

Aurkeztutako idatzian azaltzen duenez, ezin izan dira obrak lizentzian ezarritako epean hasi, haren ordezkatuaren borondatearekin zerikusirik ez duten arrazoiak direla eta.

Tokiko Gobernu Batzarrak 2022ko irailaren 27an egindako ohiko bilkuran baimena ematea erabaki zuen (interesdunari 2022ko urriaren 6an jakinarazi zitzaiona), besteak beste, ondorengo baldintzapean:

- *Epeei buruzko baldintzak:*
  - *Obra lizentzia emateko erabakia jakinarazten denetik, 6 hilabeteko epean hasi beharko dira obrak.*
  - *Obrak bukatzeko gehieneko epea 24 hilabetekoa izango da, Zuinketa-akta sinatzen denetik.*
  - *Obra geldirik egon ahal izango da, promotoreari egotzi ahal zaizkion arrazoiengatik, gehieneko 6 hilabetez.*
  - *Lizentzia honetan jasotako epeak luzatzeko eskabide arrazoitua egin daiteke.*

Usurbilgo Arau Subsidiarioen Testu Bateginaren arau orokorrek honela diote baimenen luzapenei buruz:

### **28. artikulua.- Lizentzien luzapena**

*1. Lizentziaren indarraldia, interesatuak idatziz egindako eskabidearen bidez bakarrik luza daiteke. Eskabide hori, lizentziaren agorpenaren aurretik eta behar bezala justifikatutako zergatiengatik gauzatu da.*

(...)

Bestetik, Administrazio Publikoen Administrazio Prozedura Erkidearen 39/2015 Legeak, honakoa dio:

### **Artículo 32. Ampliación.**



Usurbilgo Udala

2023/05/08

*1. La Administración, salvo precepto en contrario, podrá conceder de oficio o a petición de los interesados, una ampliación de los plazos establecidos, que no exceda de la mitad de los mismos, si las circunstancias lo aconsejan y con ello no se perjudican derechos de tercero. El acuerdo de ampliación deberá ser notificado a los interesados.*

## **ONDORIOA**

Goian esandakoa kontuan hartuta, obrak hasteko HIRU HILABETEKO luzapena onartzen da, aurreko epea amaitzen denetik (2023ko apirilaren 6tik) kontaktzen hasita.

Obra egikaritzeko eta geldituta egon daitekeen gehienezko epeak Tokiko Gobernu Batzarrak emandako baimenean ezarritako berberak izango dira:

- Obra egikaritzeko gehienezko epea: 24 hilabete
- Obra geldituta egon daitekeen gehienezko epea: 6 hilabete.

Usurbilen, sinadura-datan  
Udal Teknikaria  
Izta.: Joxean Erasun

Guzti hau kontuan izanik, Tokiko Gobernu Batzarrak honako erabakia hartu du aho batez:

## **E R A B A K I A**

**LEHENDABIZI:** I-DE REDES ELECTRICAS INTELIGENTES S.A.U. enpresari, Irubiden, ST USURBIL 132/30 kV-ko transformazio azpiestazioa elektrikoa eraberritzeko obrak hasteko HIRU HILABETEKO luzapena onartzea, aurreko epea amaitzen denetik (2023ko apirilaren 6tik) kontaktzen hasita.

**BIGARRENA:** Obra egikaritzeko eta geldituta egon daitekeen gehienezko epeak Tokiko Gobernu Batzarrak 2022ko irailaren 27an emandako baimenean ezarritako berberak izango dira:

- Obra egikaritzeko gehienezko epea: 24 hilabete
- Obra geldituta egon daitekeen gehienezko epea: 6 hilabete.

**HIRUGARRENA:** Gainontzekoan Tokiko Gobernu Batzarrak 2022ko irailaren 27an emandako baimenean ezarritako baldintzak beteko dira.

**LAUGARRENA:** Erabaki honen berri interesatuari emango zaio.

**Eztabaidarako gaiak amaiturik, alkateak batzarraldia bukatutzat eman du, goizeko 09:30k direnean. Eta aztertutakoa eta erabakitakoa jasota gera dadin akta hau jaso da, alkateak izenpetuz eta nik, idazkariak, ziurtatuz.**